

水經注箋卷第十六

先子遺書

漢 桑欽撰

後魏酈道元 注

明 李長庚訂

孫汝澄

朱謀埠箋

李克家全校

穀水

甘水

漆水

澹水

沮水

穀水出弘農黽池縣南墻塚林穀陽谷

山海經曰傅山之西有林焉曰墻冢穀水出焉東

流注于洛其中多瑨玉今山海經云其中多瑨玉御覽引水經注作瑨玉

今穀水出于峭東馬頭山穀陽谷東北流歷黽池

水經注箋

卷十六

川本中鄉地也漢景帝三年初徙萬戶為因峭黽

之池以目縣焉亦或謂之彭池故徐廣史記音義

曰黽或作彭穀水處也穀水又東逕秦趙二城南

司馬彪續漢書曰赤眉從黽池自利陽南欲赴宜

陽者也世謂之俱利城者嘑曰昔秦趙之會各據

一城秦王使趙王鼓瑟蘭相如令秦王擊缶處也

馮異又破赤眉於是川矣故光武璽書曰始雖垂

翅回溪終能奮翼澠池可謂失之東隅收之桑榆

矣穀水又東逕土峭北孫云土峭土字疑誤蓋有東西二峭此或作西峭也

所謂二峭也穀水又東左會北溪溪水北出黽池

司馬彪續漢書  
也二十二字以音  
至擊缶處也  
之下馮異又破  
赤眉之上

山東西流注于穀疑卽孔安國所謂澗水也穀水  
又東逕新安縣故城南北夾流而西接嶠黽昔項  
羽西入秦坑降卒二十萬於此國滅身亡宜矣穀  
水又東逕千秋亭南其亭壘石爲垣世謂之城也  
潘岳西征賦曰亭有千秋之號子無七旬之期謂  
是亭也又東逕于雍谷溪回岫縈紆石路阻峽故  
亦有峽石之稱矣晉水歷側左與北川水合水有  
二源竝導北山東南流合成一水自乾注巽入于  
穀穀水又東逕缺門山山阜之不接者里餘故得  
是名矣二壁爭高斗聳相亂西瞻雙阜右望始低

水經注箋

卷十六

二

四百八

謝云一本作  
右望如砥

穀水自

克家云自下  
疑脫一缺字

門而東廣陽川

水注之水出廣陽北山東南流注于穀南望微山  
雲峯相亂穀水又逕白超壘南白超字誤俱  
當作白起戴延

之西征記云次至白超壘去函谷十五里築壘當  
大道左右有山夾至謝云宋本作浹至  
孫云疑作夾壘相去百餘

步從中出北乃故關城非所謂白超壘也是壘在  
缺門東一十五里壘側舊有塢故治宮所在魏晉  
之日引穀水爲水治以經國用遺跡尚有當作  
在穀

水又東石默溪水出微山東麓石默溪東北流入  
于穀穀水又東宋水北流注于穀穀水又東逕魏

將作大匠母丘興盛墓南二碑存焉儉父也管輅  
別傳曰輅嘗隨軍西征過其墓而歎謂士友曰玄  
武藏頭青龍無足白虎衝尸魏志作白朱雀悲哭  
四危已備法應滅族果如其言穀水又東逕函谷  
關南東北流阜澗水注之水出新安縣東南流經  
母丘興盛墓東又南逕函谷關西關高峻峽路出  
廛郭漢元鼎三年樓船將軍楊僕數有大功恥居  
關外請以家僮七百人築塞徙關於新安卽此處  
也昔郭丹西入關感慨於其下曰不乘駟馬高車  
終不出此關也去家十二年果如志焉東觀漢記云郭丹初

水經注箋

卷十六

之長安從宛人陳兆買入關符以入函谷關既入  
封符乞人曰不乘使者車不出關因不歸家十二  
年後奉使阜澗水又東流入于穀穀水又東北逕

函谷關城東右合桑爽之水山海經曰白石山西  
五十里曰穀山其上多穀其下多桑爽之水出焉

埠按山海經有爽水而多桑爽水蓋後人誤  
讀穀山其上多穀其下多桑爽水之句耳世謂

之紆麻澗北流注于穀山海經曰其中多碧穀水

又東澗水注之山海經曰婁涿山西四十里曰白

石之山澗水出焉北流注于穀自下通謂之澗水

為穀水之兼稱焉孫云山海經婁涿之山西四十  
里曰白石之山澗水出于其陰

西北流注于穀水又西五十里曰穀山其上多穀  
其下多桑爽水出焉而西北流注于穀水其中多

碧綠注云世謂之紆麻澗本為爽水曰桑爽者誤矣故尚書曰伊洛瀍澗既

入于河而無穀水之目是名亦通稱矣劉澄之云

新安有澗水源出北縣又有澗水未知其源余考

諸地記竝無澗水但淵澗字相似時有字錯為淵

也故闕駟地理志曰禹貢之澗水是以知傳寫書

誤字繆舛真證之當作澄之不思所致耳既無斯水何

源之可求乎穀水又東波水注之山海經曰瞻諸

山西三十里婁涿之山無草木多金玉波水山海經作

水出于其陰也疑作世謂之百答水北流注于穀山

海經曰其中多苾石文石穀水又東少水注之山

水經注箋

卷十六

海經曰廆山西三十里曰瞻諸之山其陽多金其

陰多文石少水出于其陰控引衆溪積以成川東

流注于穀世謂之慈澗也穀水又東俞隨之水注

之山海經曰平蓬山西十里廆山其陽多瑇瑁瑀之

玉俞隨之水出于其陰北波謝云當作北流注于穀世謂

之孝水也孫云山海經平蓬之山西十里縹緗之

其西有谷焉名曰翟谷俞隨之水出于其陰而北流注于穀水潘岳西征賦曰澡

孝水以濯纓嘉美名之在茲是水在河南城西十

餘里故呂忱曰孝水在河南而戴延之言在函谷

關西劉澄之又云出擅山擅山在宜陽縣西在穀

水南無南入之理考尋茲說當承緣生述征謬誌耳緣生從戎行旅征途訊訪既非舊土故無所究今川瀾北注澄映泥濘得言枯涸也宋本作何得言枯涸皆為疏僻矣

東北過穀城縣北

城西臨穀水故縣取名焉穀水又東逕穀城南不歷其北又東逕洛水枝流入焉今無水也

又東過河南縣北東南入于洛

河南城西北穀水之右有石磧磧南出為死穀北出為湖溝魏太和七年暴水流高三丈此地下停

水經注箋

卷十六

五

流以成湖渚造溝以通水東西十里淡

謝云淡湖當作決

以注瀝水穀水又逕河南王城北所謂成周矣公

羊曰成周者何東周也何休曰名為成周者周道

始成王所都也地理志曰河南河南縣故邾鄆地

也京相璠曰邾山名鄆地邑也十年定鼎為王之

東都謂之新邑是為王城其城東南名曰鼎門蓋

九鼎所從入也故謂是地為鼎中楚子伐陸渾之

二戎問鼎於此述征記曰穀洛二水本於王城東北

合流所謂穀洛關也今城之東南缺千步世又謂

之穀洛關處俱為非也余按史傳周靈王之時穀

洛二水鬪毀王宮王將竭之太子晉諫王不聽

遺堰三堤尚存國語周靈王二十二年穀洛鬪將毀王宮王欲壅之太子晉諫曰不可王

卒壅之左傳襄公二十五年齊人城邾穆叔如周賀

韋昭曰洛水在王城南穀水在王城北東入于瀍

至靈王時穀水盛出於王城西而南流合於洛兩

水相格有似於鬪而毀王城西南也穎容之著春

秋條例客當作容隨經籍志云漢公車徵士穎容著春秋釋例十卷言西城梁

門枯水處世謂之死穀是也始知緣生行中造次

入關經究故事與實違矣考王封周桓公於是為

西周及其孫惠公封少子於鞏為東周故有東西

水經注箋

卷十六

之名矣秦滅周以為三川郡項羽封申陽為河南

王漢以為河南郡王莽又名之曰保忠信鄉光武

都洛陽以為尹尹正也所以董正京畿率先百郡

也穀水又東流逕乾一作祭門北子朝之亂晉所

開也東至千金場河南十二里當作境簿曰河南

縣城東十五里有千金場洛陽記曰千金場舊堰

穀水魏時更修此堰謂之千金場積石為場而開

溝渠五所謂之五龍渠渠上立場場之東首立一

石人石人腹上刻勒云太和五年二月八日庚戌

造築此場更開溝渠此水衡渠上其水此有誤當云此水衝

譚三言開溝與渠相衝使

水止而不下  
以助竭之堅

疑是明帝

少無定

八河而為

八社信者

渠止助其堅也必經年歷世是故部立石人以記

之云爾蓋魏文帝修王張故績也竭是都當作水

使者陳協所造也語林曰陳協數進阮步兵酒後

晉文王欲修九龍堰阮舉協文王用之掘地得古

承水銅龍六枚堰遂成水歷竭東注謂之千金渠

逮于晉世太水暴注溝瀆泄壞又廣功焉石人東

脇下文云泰始七年六月二十二日大水并瀑出

常流上三丈蕩壞二竭五龍泄水南注瀉下加歲

久漱齧每滂即壞歷載消棄大功今故為今過宋本

作捐棄大功更於西開泄名曰代龍渠地形正平

故為今竭誠得為宋作瀉泄至理千金不與水勢激爭無緣當

壞由其卑下水得輸宋本上漱齧故也今增高千

金於舊一丈四尺五龍自然必歷世無患若五龍

歲久復壞可轉於西更開二竭二渠合用二十三

萬五千六百九十八功以其年十月二十三日

起作功重人少到八年四月二十日畢代龍渠即九

龍渠也後張方入洛破千金竭公私賴之水積年

渠竭頽毀石砌殆盡遺基見存朝廷太和中修復

故竭按千金竭石人西脇下文云若溝渠久疏深

引水者當於河南城北石磧西更開渠北出使首

水經注箋

卷十六

孤丘

宋本作役首孤丘亦所未解或俱有為誤當云使首孤丘謂北引渠東合舊瀆孤死首直

之意

故溝東下因故易就磧堅便時事業已訖然

後見之加邊方多事人力苦少又渠塌新成未患於水是以不敢預修通之若於後當復興功者宜就西磧故書之於石以遺後賢矣雖石磧淪敗故跡可憑準之於文北引渠東合舊瀆舊瀆又東晉惠帝造石渠於水上按橋西門之南頰文稱晉元康二年十一月二十日改治石巷水門除堅宋本作堅枋更為函枋立作覆枋屋前後辟級續石障使南北入岸築治漱處破石以為殺矣到三年三月十

水經注箋

卷十六

八

四百三

五日畢記并紀列門廣長深淺于左右巷東西長七尺南北龍尾廣十二丈巷瀆口高三丈謂之罽門橋又潘岳西征賦曰秣馬罽門即此處也穀水又東又結石梁跨水制城西梁也穀水又東左會金谷水水出大白原東南流歷金谷謂之金水東南流逕晉衛尉卿石崇之故居也石季倫金谷詩集敘曰余以元康七年從太僕出為征虜將軍有別廬在河南界金谷澗中有清泉茂樹眾果竹栢

藥草蔽翳

埤按此藥草蔽翳以下是金谷詩集敘文而宋本至今俱脫錯以第十七卷渭

水又東過上邽縣注中渭水又東得歷泉水至即洋水也北三百二十二字入此彼注自具當刪去



之今按世說注載金谷詩敘曰余以元康六年從  
太僕卿出為使持節監青徐諸軍事征虜將軍有  
別廬在河南縣界金谷澗中或高或下有清泉茂  
林眾果竹柏藥草之屬莫不畢備又有水碓魚池  
土窟其為娛目歡心之物備矣時征西大將軍祭  
酒士詡當還長安余與眾賢共送往澗中晝夜遊  
宴屢遷其坐或吞高臨下或列坐水濱時琴瑟笙  
篳合載其中道路竝作及住令與鼓吹遞奏遂各  
賦詩以敘中懷或不能者罰酒三斗感性命之不  
永懼凋落之無期故其列時人官號姓名年紀又  
寫詩箸後後之好事者其覽之哉凡三十人吳王  
師議郎關中侯始平武功蘇紹字世嗣年五十為  
首西北角築之謂之金墉城魏文帝起層樓於東

水經注箋

卷十六

九

晉書

兩觀觀下列朱桁於塹以為御路東曰含春門北  
有退門城上西面列觀五十步一睥睨屋臺置一  
鍾以和漏鼓函北連廡蔭墉北廣榭炎夏之日高  
視高視字誤當作高歡即神武也按北史神武以  
天平元年舉兵至河北七月已酉入洛停于承  
寧寺魏帝即日遜于長安常以避暑為淥水池一所在金墉者  
也穀水逕洛陽小城北因阿舊城憑結金墉故向  
地也永嘉亂結以為壘號曰洛陽壘故洛陽記曰  
陵雲臺西有金市金市北對洛陽壘者也又東歷  
大夏門下故夏門也陸機與弟書云門有三層高  
百尺魏明帝造門內東側際城有魏文帝所起景

黃初元年文帝命

陸機洛陽記曰九江直作負水水中作負壇三破

溪谷無復髣髴矣

陽山餘基尚存孫盛魏春秋曰黃初元年文帝命

崇宮殿雕飾觀閣取白石英及紫石英及五色大

石於太行穀城之山起景陽山於芳林園樹松竹

草木捕禽獸以充其中于是百役繁興帝躬自掘

土率羣臣三公已下莫不展力山之東舊有九江

陸機洛陽記曰九江直作負水水中作負壇三破

之夾水得相逕通賦曰濯龍芳林九谷八溪芙蓉

覆水秋蘭被崖今也山則塊阜獨立江謝云詳上

江或作無復髣髴矣東京賦注引洛陽圖經云濯

溪谷渠水又東枝分南入華林園歷疏圃南圃中

水經注箋

卷十六

十

有古玉井井悉以珉玉為之以錙石為口工作精

密猶不變古璨焉如新又瑤華宮南歷景陽山北

山在都亭堂上結方湖湖中起御坐石也御坐前

建蓬萊山曲池接筵飛沼拂席南面射侯夾席武

峙背山堂上則石路崎嶇巖嶂峻嶮雲臺風觀纓

巒帶阜遊觀者升降耶閣孫云耶閣疑作河閣出入虹陛望

之狀鳧沒古本作鳥沒謝非申云一作鳥沒鸞舉矣其中

引水飛翠傾瀾瀑布或枉渚聲溜潺潺不斷竹柏

蔭於層石繡薄叢於泉側微飈暫拂則芳溢於六

空入為神居矣其水東生當作天淵池中有魏

文帝九花叢

九花叢當作九華殿洛陽宮殿簿有明光殿式乾殿九華殿蔬園殿而魏

志云青龍三年還洛陽宮復崇華殿改名九龍殿

殿基悉是洛中故碑累

之今造釣臺於其上池南置魏文帝茅茨堂前有

茅茨碑是黃初中所立也其水自天淵池東出華

林園逕聽訟觀南故平望觀也魏明帝常言獄天

下之命也每斷大獄恒幸觀聽之以太和三年更

從今名

唐六典云都官者本漢置司隸校尉屬官掌諸奴男女男子入於罪隸女子入於春

饋之事都官郎中掌配沒隸簿錄侍囚以給衣糧藥療以理訴競雪冤觀西北接華

林隸簿昔劉楨磨石處也文士傳曰文帝之在東

宮也宴諸文學酒酣命甄后拜坐坐者成伏

孫云舊本

水經注箋

卷十六

十一

四百八十五

作威伏

唯劉楨平仰觀之太祖以為不敬送徒隸簿

後太祖乘步牽車乘城降關

當作降觀

簿作諸徒咸敬

而楨樞坐

一作匡坐

磨石不動太祖曰此非劉楨也

當作

石如何性楨曰石出荆山玄巖之下外炳五色

之章內秉賢

當作堅

貞之志雕之不增文磨之不加

瑩稟氣貞正稟性自然

世說注引文士傳云石出荆山懸巖之顛外有五色

之章內合卞氏之珍磨之不加瑩雕之不增文稟氣堅貞受之自然

太祖曰名豈虛

哉復為文學池水又東流于洛陽縣之南池池即

故狄泉也南北百一十步東西七十步皇甫謐曰

悼王葬景王於翟泉今洛陽太倉中大家是也春

秋定公元年晉魏獻子合諸侯之大夫于翟泉始

盟城周

孫云按左傳晉魏舒合諸侯之大夫于狄泉將以城成周

班固服虔皇

甫謚咸言翟泉在洛陽東北周之墓地今按周威

烈王葬洛陽城內東北隅景王塚在洛陽太倉中

翟泉在兩塚之間側廣墓

舊本作莫

門道東建春門路

北路即東宮街也於洛陽為東北後秦封呂不韋

為洛陽十萬戶侯大其城并得景王冢矣是其墓

地也及晉永嘉元年洛陽東北步廣里地陷有二

鵝出蒼色者飛翔冲天白色者止焉陳留孝廉董

養曰步廣周之狄泉盟會之地今色蒼胡象矣其

水經注箋

卷十六

十二

可盡言乎後五年劉曜王彌入洛帝居平陽陸機

洛陽

脫字

記步廣里在洛陽城內宮東是狄泉所在

不得於太倉西南也京相璠與裴司空彥季脩晉

輿地圖作春秋地名亦言今太倉西南地水名狄

泉又曰舊說言狄泉本自在洛陽北長弘成周

當作

襄城周

乃繞之杜預因其一證必是狄泉而即實非

也後遂為東宮池晉中州記曰惠帝為太子出聞

蝦蟇聲問人為是官蝦蟇私蝦蟇侍臣賈胤對曰

在官地為官蝦蟇在私地為私蝦蟇今曰若官蝦

蟇可給廩先是有讖云蝦蟇當貴昔晉朝收愍懷

天子有也

天子有也

天子有也

太子於後池卽是池也其一水自大夏門東逕宣

武觀憑城結構不更層墉左右夾列步廊參差翼

跂南望天淵池北矚宣武場竹林七賢論曰王戎

幼而清秀魏明帝於宣武場上爲欄苞虎阱使力

士袒裼迭與之搏縱百姓觀之戎年七歲亦往觀

焉虎乘間薄欄而吼其聲震地觀者無不辟易顛

仆戎亭然不動帝於門上見之使問姓名而異之

場西故賈充宅地穀水又東逕廣莫門北漢之穀

門也北對芒阜當作阜卽阜卽阜連嶺脩垣苞惣衆山

始自洛口西踰平陰悉芒龍也芒龍當作龍魏志曰明

水經注箋

卷十六

十三

姜

帝欲平比芒當作芒今登臺見孟津侍中辛毗諫曰

若九河溢涌洪水爲害丘陵皆夷何以禦之帝乃

止穀水又東出屋南逕建春門謝云宋本作又東

石橋下卽上東門也阮嗣宗詠懷詩曰步出上東

門者也一曰上升門晉曰建陽門百官志曰洛陽

十一門候一人六百石後漢志雒陽十二門每門

皆有東觀漢記曰郅憚爲上東門候光武嘗出夜

還詔開門欲入憚不內上令從門間識面憚曰火

明遼遠遂拒不開由是上益重之亦袁本初挂節

處也橋首建兩石柱橋之右柱銘云陽嘉四年乙

西壬申詔書以成宋本作城下漕渠東通河濟南引江

淮方貢委輸所由而至使中謁者魏郡清淵馬憲

監作石橋梁柱敦敦工匠盡要妙之巧攢立重石

累高周距橋工路博流通萬里云云河南尹邳崇

隗承當作承渤海重合雙福水曹掾中牟任防史王

蔭史趙興將作吏睢陽申翔道橋掾成宰卑國洛

陽令江雙丞平陽降監椽王騰之主石作左北平

山仲三月起作八月畢成其水依柱文自樂里道

屈而東出陽渠昔陸機為成都王穎入洛敗此而

返水南即馬市也舊洛陽有三市斯其一也陸機洛陽

水經注箋

卷十六

記云洛陽舊有三市一曰金市在宮西大嵇叔夜城內二曰馬市在城東三曰羊市在城南

為司馬昭所害處也北則白社故里也昔孫子荆

會董威輦於白社謂此矣以同載為榮故有威輦

圖晉書董京字威輦初與隴西計吏俱至洛陽被髮行吟常宿白社中時乞於市得殘碎繒絮結

以自覆孫楚時為著作郎數就社中與語勸之仕京以詩答之遂遁去又東逕馬市

石橋橋南有二石柱竝無文刻也漢司空漁陽王

梁之為河南也將引穀水以溉京都渠成而水不

流故以坐免後張純堰洛而通漕洛中公私懷膽

是渠今引穀水蓋純之創也按陸機洛陽記劉澄

之永初記言城之西面有場渠宋本作陽渠周公制之

也昔周遷殷氏當作民于洛邑城隍偏狹卑陋之所

耳晉故城成周以居敬王秦又廣之以封不韋以

是推之非專周公可知矣亦謂之九曲瀆故河南

十二縣簿云九曲瀆在河南鞏縣西西至洛陽又

按傳暢晉書云都水使者陳良舊本鑿運渠從洛

口入注九曲至東陽門是以阮嗣宗詠懷詩所謂

朝出上東門遙望首陽基當作岑又言遙遙九曲間

襄徊欲何之者也陽渠南水南陽渠之下衍一南

暨閭當作閭闔門漢之上西門者也漢官記當作漢

曰上西門所以不純白者漢家厄於成故以丹鏤

水經注箋 卷十六 十五

之太和遷都徙門南側其水北乘高渠枝分上下

歷故石橋東入城逕望先寺中有碑碑側法于丹

碑作龍矩龍矩疑當作龍距猶龜趺也勢於今作則佳方古猶

劣渠水又東歷故金市南直千秋門右宮門也又

枝流入石逗伏流注靈芝九龍池魏太和中皇都

遷洛陽經構宮極脩理街渠務窮隱窮下疑有脫字當作務窮

幽發石視之嘗無毀壞又石工細密非今之所擬

亦奇為精至也遂因用之其一水自千秋門南流

逕神虎門下東對雲龍門二水疑作二門衡楸之上皆

列初學記引此雲龍風虎之狀以火齊薄之及其

晨光初起夕景斜輝霜文翠照陸離眩目又南逕  
通門掖門西又南流東轉逕閭闔門南案禮王有  
五門謂臯門庫門雉門應門路門路門一曰畢門  
亦曰虎門也魏明帝上法太極於洛陽南宮起太  
極殿于漢崇德殿之故處改雉門為閭闔門昔在  
漢世洛陽宮殿門題多是大篆言是蔡邕諸子自  
董卓焚宮殿魏太祖平荊州漢吏部尚書安定梁  
孟皇蓋當作善師宜官八分體求以贖死太祖善其  
法常仰繫帳中愛翫之以為勝宜官北宮榜題咸  
是鵠筆南宮既建明帝令侍中京兆韋誕以古篆

水經注箋

卷十六

十六

吉

書之

書斷云師宜官南陽人靈帝徵天下工書於鴻都門數百人八分稱宜官為最大則一字

經文小則方寸千言梁鵠字孟皇安定烏氏人受書法於師宜官以善八分書知名韋誕字仲將京兆人諸書並善題署尤精皇都遷洛始令中書舍人沈含馨當作

沈含馨以隸書書之景明正始之年又敕符節令江

式以大篆易之今諸桁榜題皆是式書周官太宰

以正月懸治法於象魏廣雅曰闕謂之象魏風俗

通曰魯昭公設兩觀於門是謂之闕從門厥聲爾

雅曰觀謂之闕說文曰闕門觀也漢官典職曰偃

師去洛四十五里望朱雀闕其上鬱然與天連是

明峻極矣洛陽故宮名有朱雀闕白虎闕蒼龍闕

一應題備一  
書家掌故  
洛羊如此



北闕南宮闕也東觀漢記曰更始發洛陽李松奉

引車馬奔當作觸北闕鐵柱門三馬皆死即斯闕

也白虎通曰門必有闕者何闕者所以飾門別尊

卑也今閭闔門外夾建巨闕以應天宿雖不如禮

猶象而魏之上加復思以易觀矣孫云此當作猶象魏之上而加

復思以易觀矣廣雅曰復思謂之屏釋名曰屏自障屏也

學思在門外學復也臣將入言事釋名作將入請事於此

復重思之也漢末兵起壞園陵學思曰無使民復

思漢也故鹽鐵論曰垣闕學思言樹屏隅角所架

也穎客當作穎容又曰闕者上有所失下得書之於闕

水經注箋 卷十六 十七

所以求論譽於人故謂之闕矣今闕前水南道右

置登聞鼓以納諫也昔黃帝立明堂之議堯有衢

室之間舜有告善之旌禹有立鼓之訊湯有總街

之誹武王有靈臺之復皆所以廣設過誤之備也

渠水又枝分夾路南逕出太尉司徒兩坊間謂之

銅駝街舊魏明帝置銅駝諸獸於閭闔南街古本作銅

駝諸獵吳本陸機云駝高九尺即出太尉坊者也

水西有永寧寺熙平中始創也作九層浮圖浮圖

下基方一十四丈自金露榭下至地四十九丈取

法代都七級而又高廣之洛陽伽藍記云永寧寺熙平元年靈太后胡氏

所立也。中有九層浮圖，一所架木為之，舉高九千丈，有利復高十丈，合去地一千尺。去京師百里，遙已見之。初掘基，至黃泉下，得金像三十軀，太后以為法信之徵。利上有金寶瓶，容二十五石，寶瓶下有承露金盤三十。雖二京之盛，五都之富，利利靈圖未有若斯之構。按釋法顯行傳：西國有爵鬱一作

離浮圖，其高與此相狀。東都西域俱為莊妙矣。其地是曹爽故宅。經始之日，於寺院西南隅得爽窟室，下入地可丈許，地壁悉纍方石砌之，石作細密，都無所毀，其石悉入法用。自非曹爽庸匠，亦難復

制。此桓氏有言：曹子丹生此豚犢，信矣。魏志曰：曹爽專政，作

威飲食車服擬於乘輿，尚方珍玩充物。其家妻妾盈後庭，作窟室綺疏，四周數與何晏等會其中。縱

水經注箋 卷十六 十八

酒作樂。魏氏春秋曰：曹爽既罷，兵曰：我不失作富家翁。桓範哭曰：曹子丹佳人生汝兄弟，犢耳何圖

今日坐汝等滅族矣。渠左是魏晉故廟地，今悉民居，無復遺

墉也。渠水又西，歷廟社之間，南注南渠。廟社各以

物色辯方。周禮：廟及路寢，皆如明堂，而有燕寢焉。

唯祧廟別無後代，通為一廟，列正室於下，無復燕

寢之制。禮：天子建國，左廟右社，以石為主，祭則希

冕。今多王公攝事，王者不親拜焉。咸陵元年，洛陽

大風，帝社樹折，青氣屬天。元王一作東渡魏一作

社代昌矣。王隱晉書曰：武帝咸寧元年八月，大風折太社樹，有青氣出焉。占曰：東莞當有

帝者明年元帝生此渠水自銅駝街東，逕司馬門

南魏明帝始築闕崩壓殺數百人遂不復築故無  
闕門南屏中舊有置銅翁仲處金狄旣淪故處亦  
褫唯壞石存焉自此南直宣陽門經緯通達皆列  
馳道往來之禁一同兩漢曹子建嘗行御街犯門  
禁以此見薄渠水又東逕杜元凱所謂狄泉北今  
無水坎方九丈六尺深二丈餘似是人工而不類  
於泉陂是驗非之一證也又皇甫謐帝王世紀云  
王室定遂徙居成周小不受王都故壞翟泉而廣  
之泉源旣塞明無故處是驗非之二證也杜預言  
翟泉在太倉西南旣言西南於雒陽不得爲東北

是驗非之三證也稽之地說事幾明矣不得爲狄  
泉也渠水歷司空府前逕太倉南東出陽門石橋  
下注陽渠穀水逕閭闔而南土山東水西三里有  
坂坂上有土山漢大將軍梁冀所成築土爲山植  
林成苑張璠漢記曰山多峭坂以象二嶠積金玉  
採捕禽獸以充其中有人殺苑兔者迭相尋遂死  
者十三人南出逕西陽門舊漢氏之西明門也亦  
曰雍門矣舊門在南太和中以故門卯出故徙是  
門東對東陽門穀水又南逕白馬寺東是漢明帝  
夢見大人金色項佩白光以問羣臣或對曰西方

有神名曰佛形如陛下所夢得無是乎於是發使  
天竺寫致經像始以榆欐盛經白馬負圖表之中

夏故以白馬為寺名此榆欐漢紀及牟子俱不言

其事唯吳越春秋嘗有甘密九欐文筭七枚之文  
解者以為欐與棠通而齊民要術云榆十五年後  
中為車轂及蒲藹也

後移在城內愍懷太子浮圖中近世復遷此寺然

金光流照法輪東轉創自此矣穀水又南逕平樂

觀東李尤平樂觀賦曰乃設平樂之顯觀章祕偉

之奇珍華嶠漢書曰靈帝於平樂觀下起大壇上

建十二重五采華蓋高十丈壇東北為小壇復建

水經注箋

卷十六

九重華蓋高九丈列奇兵騎士數萬人天子住大

蓋下禮畢天子躬擐甲稱無上將軍行陣三匝而

還設祕戲以示遠人故東京賦曰苑古本作其西則有

平樂都場示遠之觀龍雀蟠蜿天馬半漢應劭曰

飛廉神禽能致風氣古人以良金鑄其形明帝永

平五年長安迎取飛廉并銅馬置上西門外平樂

觀今於上西門外無他基觀惟西明門外獨有此

臺巍然廣秀疑即平樂觀也又言皇女雅當作殤

埋於臺側故復名之曰皇女臺晉灼曰飛廉鹿身

頭如雀有角而蛇尾豹文董卓銷為金用銅馬徒

於建始殿東階下胡軍喪亂此象遂淪穀水又南  
逕西明門故廣陽門也門左枝渠東派入城逕木

一作社前又東逕太廟南又東於青陽門右下注

陽渠穀水又南東屈逕津陽門南故津陽門也昔

洛水泛洑漂落害者衆津陽城門校將築以遏水

諫議大夫陳宜止之曰王遵臣也水絕其足朝廷

中興必不入矣水乃造門而退穀水又東逕宣陽

門南故苑門也皇都遷洛移置於此對閭闔門南

直洛水浮桁故東京賦曰沂洛背河左伊右瀍者

也夫洛陽考之中土下當作惟洛食寔為神也門

水經注箋

卷十六

二十一

卸茂刊

左即洛陽池處也池東舊平城門所在矣今塞北

對南陽南宮故蔡邕曰平城門正陽之門與宮連

屬郊祀法駕所由從出門之最尊者洛陽諸宮名

曰南宮有謏臺臨照臺東京賦曰其南則有謏門

曲榭依阻城洫東京賦作注云謏門水室門也阻

依脫字洫城下池也皆屈曲耶當作行依城池為

道故說文曰隍城池也有水曰池無水曰隍矣謏

門即宣陽門也門內有宣陽水當作室周禮有冰

人日在北陸而藏之西陸朝覲而出之冰室舊在

宣陽門內故得是名門既擁塞冰室又罷穀水又

宣陽門

宣陽門

宣陽門

宣陽門

逕靈臺北望雲物也漢光武所築高六丈方二十

步世祖嘗宴於此臺得**走鼠**於臺上走鼠當作鼯鼠竇氏家傳

云竇攸治爾雅舉孝廉為郎世祖與百寮遊於靈臺得鼠身如豹文煒有光輝羣臣莫有知者唯攸

對曰此名鼯鼠事見爾雅乃賜絹百匹亦諫議大夫第五子陵之所

居**淪**倫當作少子也以清正此下疑脫為郡功曹四

字子陵以清洛陽無主人鄉里無田宅寄止靈臺

或十日不炊司隸校尉南陽左雄尚書廬江朱孟

興等故孝廉功曹各致禮餉竝辭不受永建中卒

穀水又東逕平昌門南故平門也又逕明堂北漢

光武中元元年立尋其基構上圓下方九室重隅

水經注箋

卷十六

十二堂蔡邕月令章句同之故引水於其下為壁

雍也穀水又東逕開陽門南晉宮閣名曰故建陽

門也漢官宋本有儀字曰開陽門始成未有名宿昔有

一柱來在樓上琅琊開陽縣上言南城門一柱飛

去光武皇帝使來識視良是遂堅當作傅之刻記

年月日以名焉脫一字湯仲弓嘗為門候謝承漢書

仲弓豫章南昌人受學於相榮為高弟上微行夜

還湯閉門不內朝廷嘉之又東逕國子太學石經

北周禮有國學教成均之法學記曰古者家有塾

黨有庠遂有序國有學亦有虞氏之上庠下庠夏

此係列後詳略  
後少脫法考  
可吉  
此係列後詳略  
後少脫法考  
可吉  
此係列後詳略  
後少脫法考  
可吉

后氏之東序西序殷人之左學周人之東膠虞序  
王制云養國老於上庠養庶老於下庠故有太學  
小學教國之子弟焉謂之國子漢魏以來置太學  
於國子堂東漢靈帝光和六年刻石鏤碑載五經  
立於太學講堂前悉在東側蔡邕以嘉平四年與  
五官中郎將堂谿典光祿大夫彈議郎張訓漢書光祿  
大夫馬日禪韓說太史令單颺等奏求正定六經  
文字靈帝許之邕乃自書丹於碑使工鐫刻立於  
太學門外於是後儒晚學咸取正焉及碑始立其  
觀視及筆寫者車乘日千餘兩填塞街陌矣今碑

水經注箋

卷十六

上悉銘刻蔡邕等名魏正始中又立古篆隸三字  
石經古文出於黃帝之世倉頡本鳥跡爲字取其  
孳乳相生故文字有六義焉自秦用篆書焚燒先  
典古文絕矣魯恭王得孔子宅書不知有古文謂  
之科斗書蓋因科斗之名遂效其形耳言大篆出  
於周宣之時史籀創著平王東遷文字乖錯秦之  
李斯及胡毋敬有當作改籀書謂之小篆故有大  
篆小篆焉然許氏字說專釋於篆而不本古文言  
古隸之書起於秦代而篆字文繁蕪會劇本本  
務故用隸人之省謂之隸書或云卽程邈於雲陽

科斗非古  
之科斗及  
許氏說文  
本古文字  
注

精核之論

增損者是言隸者篆捷也孫暢之嘗見青州刺史

傅弘什初學記引此說臨淄人發古塚得銅棺前

和外隱脫一為隸字言齊太公脫一世孫胡公之

棺也唯三字是古隸初學記同今書證知隸自一作

字出古非始於秦魏初傳古文出邯鄲淳石經古

文轉失淳法樹之於堂西石長八尺廣四尺列石

於其下碑石四十八枚廣三十丈魏文帝又刊典

論六碑附于其次陸機言太學贊別一碑在講堂

西下列石龜碑載蔡邕韓說高堂谿等名太學弟

子贊復一碑在外門中今二碑竝無石經東有一

水經注箋

卷十六

二十四

四百五

碑是漢順帝陽嘉八年立碑文云建武二十七年

造太學年積毀壞永建六年九月詔書修太學刻

石記年用工作徒十一萬二千人陽嘉九年八月

作畢碑南面刻頌表裏鏤字猶存不破漢石經北

有晉辟雍行禮碑是太始二年立其碑中折但世

代不同物不停故石經淪缺存半毀幾當作存駕

言永久諒用撫焉考古有三雍之文今靈臺太學

竝無辟雍處晉永嘉中王彌劉曜入洛焚毀二學

尚髣髴前基矣穀水於城東南隅枝分北注逕清

陽門東故清明門也亦曰稅門也亦曰芒門又北



逕東陽門東故中東門也又北逕故太倉西洛陽地記曰大城東有大倉倉下運船常有千計卽是處也又北入洛陽溝穀水又東左迤爲池又東右出爲方湖東西一百九十步南北七十步故水衡署之所在也穀水又東南轉屈而東注謂之阮曲云阮嗣宗之故居也穀水又東注鴻池陂百官志曰鴻池池名也在洛陽東二十里丞一人二百石池東西千步南北千一百步四周有塘池中又有東西橫塘水溜逕通故李尤鴻池陂銘曰鴻澤之陂聖王所規開水東注出自城池也開水東注舊本作開又東

水經注箋

卷十六

注玉海引此亦作開又其誤又矣按藝文類聚張載鴻池陂銘曰開原東注出自城池蓋本李尤語也

其水又東左合七里澗晉後略曰成都王宋本作穎使吳人陸機爲前鋒都督伐京師輕進爲治軍

所處大敗於鹿苑人相登躡死於壘中及七里澗澗爲之滿卽是澗也澗有石梁卽旅人橋也昔孫

登不欲久居洛陽知楊氏榮不保終思欲遯跡林鄉隱淪安死宋本作忘死楊駿埋之於此橋之東駿後

尋亡矣搜神記曰太康末京洛始爲折楊之歌有兵革辛苦之辭駿後被誅太后幽死折楊爲之應

也凡是數橋皆繫石爲之亦高壯矣制作甚佳雖

以時往損功而不廢行旅朱超石與兄書云橋去洛陽宮六七里悉用大石下員以通水可受大舫過也奇制作奇制作未詳玉海引此注無此三字題其上云太康三年十一月初就功日用七萬五千人至四月末止此橋經破落復更修補今無復文字陽渠水又東流逕當作漢廣野君酈食其廟南廟在北山上成公綏所謂偃師西山也山上舊基尚存廟宇東面門有兩石人對倚北石人胸前銘云門亭長石人西有二石闕雖經頽毀猶高丈餘闕西卽廟故基也基前有碑文字剝缺不復可識子安仰澄芬於

水經注箋

卷十六

萬古讚清徽於廟像文字厥集矣

文字下有脫誤當是載字謂成

公子安集中有酈生廟碑文也

陽渠又東逕亳殷南昔盤庚所遷

改商曰殷此始也班固曰尸鄉故殷湯所都者也

故亦曰湯亭薛瓚漢書注皇甫謐帝王世紀竝以

為非以為帝營都矣晉太康地理記竝言田橫死

於是亭故改曰尸鄉非也余按司馬彪郡國志以

為春秋之尸氏也其澤野負原夾郭多墳隴焉卽

陸士衡會王輔嗣處也袁氏王陸詩敘機初入洛

次河南之偃師時忽結陰望道左右民居者

異苑作左

右若有民居無者字

因往還

宋本作逗異苑作投

宿見一少年姿神端

別本抗下  
有逆旅三字  
士衡精博而  
下筆不甚  
使正少捕  
別一談元悟

遠與機言玄機服其能而無以酬折異苑作抗前至一

辯文機異苑有題緯古今綜檢名實此少年不甚

欣解將曉去稅駕嫗曰君何宿而來自東數十里

無村落上有山陽王家墓機乃怪悵還睇昨路空

野昏異苑衍霾雲攢異苑有蔽日知所遇者審王

彈也異苑無前一辯文機六字餘文此山即祝雞

翁之故居也搜神曰雞翁者當作搜神記洛陽人

也居尸鄉北山下養雞百年餘雞至千餘頭皆有

名字欲取呼之名則種別而至後之吳山莫知所

去矣穀水又東逕偃師城南皇甫謐曰帝嚳作都

水經注箋

卷十六

於亳偃師是也王莽之所謂師氏者也穀水又東

流注于洛水矣

甘水出弘農宜陽縣鹿蹄山

山在河南陸渾縣故城西北俗謂之縱山水之所

導發于山曲之中故世人目其所為甘棠焉

東北至河南縣南北入洛

甘水發源東北流北屈逕一故城東在非山上世

謂之石城也京相璠曰或云甘水西山上夢汁而

平孫云夢汁疑作廣闊有故甘城在河南城西二十五里指

謂是城也余按甘水東一十許里洛城南有故甘

城焉北對河南故城世謂之鑿謝云鑿一作鑿下同洛城鑿

甘聲相近即故甘城也為王子帶之故邑矣是以

昭叔有甘公之稱焉甘水又與非山水會水出非

山東谷東流入于甘水甘水又於河南城西北入

洛經言縣南非也故京相璠曰今河南河南縣有

甘水北入洛斯得之矣

漆水出扶風杜陽縣俞山東北入于渭

山海經曰踰次之山漆水出焉北流注于渭蓋自

北而南矣尚書禹貢太史公禹本紀云導渭水東

北至涇又東迺漆沮入于洛克家云東迺史記作東迺孔安國

水經注箋

卷十六

曰漆沮一名矣當作漆沮二水各衍矣字亦曰洛水也出馮翊

北周太王去邠度渠當作漆踰梁上止岐下故詩云

民之初生自土漆沮又曰率西水游至于岐下是

符禹貢本紀之說許慎說文稱漆水出右扶風杜

陵縣孫云杜陵當作杜陽岐山東入渭從水漆聲又云一曰

漆城池也潘岳關中記曰關中有涇渭灞澇鄠鄠

漆沮之水鄠鄠漆沮四水在長安西有漆縣宋本

長安西南鄠縣皆注鄠鄠水北注渭開山圖曰麗山西北

有溫池古本作溫地吳本改作溫池然三秦記及漢武故事並云驪山湯泉又稱溫泉不言

溫池也溫池西南八十里岐川在杜陵埤宋本長安

西有渠謂之柒當作漆下同渠班固地理志云漆水出

漆縣西闕駟十三州志又云漆水出漆縣西北岐

山東入渭今有水出杜陽縣岐山北柒溪謂之柒

渠西南流注岐水但川土奇異今說互舊本作牙出考

之經史各有所據識淺見浮無以辯之矣

澹水出京兆藍田谷北入于灞

地理志曰澹水出南陵縣之藍田谷西北流與一

水合水出西南莽谷東北流注澹水澹水又北歷

藍田川北流注于灞水地理志曰澹水北至灞陵

入灞水

水經注箋

卷十六

二十九

王國

沮水出北地直路縣東過馮翊殺裒縣北東入于洛

地理志曰沮出畿縣西東入洛今水自直路縣東

南逕燹石山東南流歷檀臺川俗謂之檀臺水屈

而夾山西流又西南逕宜君川世又謂之宜君水

又得黃嶽水口水西北出雲陽縣石門山黃嶽谷

東南流注宜君水又東南流逕殺裒縣故城西縣

以宋本以字下漢景帝二年置其水南合銅官水

水出東北而西南逕銅官川謂之銅官水又西南

流逕殺裒縣東西南流逕其城南原下而西南注

宜君水宜君水又南出土門山西又謂之沮水又

恐是虫字誤

九何有字

漆與漆同

東南歷土門南原下東逕懷德城南城在北原上

又東逕漢太上皇陵北陵在南原上沮水東注鄭

渠昔韓欲令秦無東伐使水工鄭國間秦鑿涇引

水謂之鄭渠渠首上承涇水於中山西瓠口所謂

瓠中也爾雅以為周焦護宋本作穫矣渠竝北山東注

洛三百餘里欲以溉田中作覺欲殺鄭國曰史記作中

以溉田中作而覺秦欲殺鄭國鄭國曰始臣為間然渠成亦秦之利

卒使就渠渠成而用注填闕之水溉澤鹵史記去索隱云澤

鹵一作曷鹵或作斥鹵貨殖傳云營丘地瀉鹵徐廣注云瀉鹵鹹地也四萬餘頃史

收皆畝一鍾關中沃野無復凶年秦以富彊卒并

水經注箋

卷十六

諸侯命曰鄭渠渠瀆東逕宜秋城北又東逕中山

南河渠書曰鑿涇水自中山而封禪書漢武帝獲

寶鼎於汾陰將薦之甘泉鼎至中山氤氳有黃雲

蓋焉徐廣史記音義曰關中有中山非冀州者也

指證此山俗謂之仲山非也鄭渠又東逕捨車宮

南紀當作絕治谷水鄭渠故瀆又東逕巖薛山南池

陽縣故城北又東絕清水又東逕北原下濁水注

焉自濁水以上無濁水上承雲陽縣東大黑泉東

南流謂之濁谷水又東南出原注鄭渠又東歷原

逕曲梁城北又東逕太上陵南原下北屈逕原東

水經注

與沮水合分爲二水一水東南出卽濁水也至白

渠與澤泉合俗謂之柒水當作漆水下同又謂之爲柒沮

水絕白渠東逕萬年縣故城北爲櫟陽渠城卽櫟

陽宮也漢高帝葬皇考於是縣起墳陵署邑號改

曰萬年也地理志曰馮翊萬年縣高帝置王莽曰

異赤也故徐廣史記音義曰櫟陽今萬年矣闕駟

曰縣西有涇渭北有小河渭此一作渭水也其水又

南屈更名石川水又西南逕郭猿城西與白渠枝

渠合又南入于渭水也其一水東出卽沮水也東

與澤泉合水出沮東澤中與沮水隔原相去十五

水經注箋

卷十六

里俗謂是水爲渠水也東流逕薄昭墓南塚在北

原上又逕懷德城北東南注鄭渠合沮水又自沮

直絕注濁水至白渠合焉故濁水得柒沮當作漆沮之

名也沮循鄭渠東逕當道城南城在頻陽縣故城

南頻陽宮也秦厲公置古本脫秦厲二字吳本增入城北有頻

山山有漢武帝殿以石架之縣在山南故曰頻陽

也古本俱作應劭曰縣在頻水之陽今縣之左右

無水以應之所可當者惟鄭渠與沮水又東逕蓮

芍縣故城北十三州志曰縣以草受名也沮水又

東逕漢光武故城北又東逕栗邑縣故城北脫一上字

莽更名粟城也後漢封騎都尉耿夔爲侯國其水  
又東北流注于洛水矣

水經注箋

卷十六

三

己未正月初九日讀